

---

# PAGANNUROTAN TI PAMMATI

TI TI SIMBAAN NI JESUCRISTO DAGITI SANTO ITI UD-UDINA NGA ALDAW

---

*M*AMATIKAMI ITI DIOS, ti Agnanayon nga Ama, ken iti Anakna a ni Jesucristo, ken iti Espiritu Santo.

2 Mamatikami a madusanto dagiti tao gapu kadagiti bukodda a basol a saan a gapu iti nagbasolan ni Adan.

3 Mamatikami a babaen ti Pannubbot ni Cristo, maisalakan amin a sangkataw-an, babaen ti panagtungpal kadagiti paglintegan ken ordinansa ti Ebanghelio.

4 Mamatikami a dagiti umuna a pagbatayan ken ordinansa ti Ebanghelio: umuna, Pammati ken ni Apo Jesucristo; maikadua, Panagbabawi; maikatlo, Panagbuniag babaen ti pannakairarem iti danum para iti pannakaugas dagiti basol; maikapat, Pannakaipatay dagiti dakulap para iti sagut ti Espiritu Santo.

5 Mamatikami a nasken nga awagan ti Dios ti tao babaen iti padto, ken babaen ti panangipatay kadagiti dakulap dagiti naikkan iti turay a mangikasaba iti Ebanghelio ken mangannong kadagiti ordinansa.

6 Mamatikami iti timpuyog a kapada ti Nagkauna a Simbaan, a buklen dagiti apostol, propeta, pastor, maestro, mangaskasaba, ken dadduma pay.

7 Mamatikami iti sagut ti pagsasao, padto, paltiing, parmata, panagagas, panangipatarus ti pagsasao, ken dadduma pay.

8 Mamatikami a sao ti Dios ti Biblia no husto la ketdi ti pannakaipatarusna; mamatikami met a sao ti Dios ti Libro ni Mormon.

9 Mamatikami iti amin nga impalgak ti Dios, amin nga ipalpalgakna, ken mamatikami nga adu pay ti ipalgakna a naindaklan ken napateg a banag maipapan iti pagarian ti Dios.

10 Mamatikami iti makita a panaguummong ti Israel ken ti pannakaisubli ti kasisigud ti Sangapulo a Tribu; a mabangonto ti Zion (ti Baro a Jerusalem) iti kontinente ti America; nga agturayto a mismo ni Cristo iti daga; a mapabaronto ti daga ken awatenanto ti kangayedan a pannakaitan-okna.

11 Itandudomi ti karbengan nga agrukbab iti Mannakabalin a Dios babaen ti panangibagnos iti konsensiami, ken ipalugodmi iti amin a tao ti umasping a karbengan, bay-anmi nga agrukbabda iti wagas no kasano, sadino, ken no ania pay.

12 Mamatikami nga agtungpalkami kadagiti ari, presidente, mangituray, mahistrado, iti panagtungpal, panagdayaw, ken panangkanunong iti paglintegan.

13 Mamatikami iti kinalinteg, kinapudno, kinalalus ti dayaw, kinamanangngaasi, kinasaguday, ken iti panagaramid iti naimbag iti amin a tao; ngarud, masaomi a sursurotenmi ti pannursuro ni Pablo—Mamatikami iti amin a banag, mangnamnamakami iti amin a banag, adun a banag ti inibturmi, ken mangnamnamakami a kabaelanmi pay nga ibturan ti amin a banag. No adda nadalus, makaay-ayo, wenno addaan iti nasayaat a pakasaritaan wenno pakaidayawan, tun-oyanmi dagitoy a banag.

JOSEPH SMITH.

---

TI SIMBAAN NI  
**JESUCRISTO**  
DAGITI SANTO  
ITI UD-UDINA NGA ALDAW

